

hiaemoza ho kuhku

ine noana’o, i’o hiaemoza ho kuhku mosola aʌʌ mais’acou ’o
mi’a’ausnahe, mosola na’no nanghia. at’inghi moho mainenu ci aaha’o
na’no teesnoi. nemio, moso yuyuso emo’usnu maita’e, mainci aaha’o yupa
e’ehcʌvho nomo tasohe, ho mohcu sʌc’ʌhʌ nomo na’no yʌn’ʌ, ohe yainca,
“ mo man’i si micu keolo ci haengu, te ahtuo’tē na’no yʌn’ʌ, ohe yainca,
“ mo man’i si micu keolo ci haengu, te ahtuo’tē na’no namo sotasoa. ”
ohēcueno a’pʌ’ʌpʌya namo keolo ci haengu, mo ahoi yac’ʌ to taico
si ’o hiaemoza, mo ’osni yumsu’eonu to haengu ho yu’e to cea
ho totoefʌngʌ to feogno, ko’ko o’amos’a nʌs’ʌhate. ine micu hoepʌngʌ, mo
yuyafo ho yusuhngu to fatu ho esufeoya ho mais’a uk’a. isi yainca to kuhku,
“ ’a micus’a ahtuo’tē nʌs’ʌha ’o nia hiaemoza. ”

ine micu hoepʌngʌ ’o kukuzo, isicu aiti to kuhku ’o hiaemoza
ma o’amo nʌs’ʌha, mo na’no yamci, isi tuocosi : “ ma miko mainenu ci o’tē
nʌs’ʌha ta kuici yafeu si puzu? ” isi yainca to hiaemoza, “ ’a mi’o
no’so ’osni mʌfēʌ’sʌ tomo man’i ci kukuzo, ko’ko mi’o o’tē ho’upu. ”

isi yainca no koyusi to kuhku, “ manci mita emio(emzo), ’ala no’so
ohpepe ’o puzu, anana’o o’a tesi holʌi no puzu honci totoefʌngʌ

no f’ʌf’usi. ”

micu eno kokaekkaebʌ ’o kuhku ho a’pʌ’pʌyʌ tomo keolo ci haengu
ho tohbako. isi no o’tē cohivi to hiaemoza tena no ahtuo’tē nʌs’ʌha homo
maica, ’aisi no’so sʌ’nova homo angu bobitano ’e kuhku, ko’ko tesi ocia
keematmohi ho poa popanoa.

ne ohsi cu no hmoi to hiaemoza ’omo keolo ci haengu, nemicu ahoi
yafeu ’o puzu, mo ’osni yumsu’eonu to mʌ’eonasi ho mʌfēʌ’sʌ tomo
ocmʌyʌ ci kukuzo, mateno’so ahtuo’tē maezo ho’upu ’o kukuzo tam
na’no yafeu ci puzu, ma tesi’so coveoza to hiaemoza ’o kuhku honci a’ʌmtʌ
nʌs’ʌha, micu eno toe’usnu to va’hʌ ho yo’u to chumu ho cohmi ’o puzu,
ma tec’u peyʌyʌntʌhi ’o kuhku ho ohsicu afsa to hiaemoza ’o puzu, ohsi
i’vavoveia yo’veni to chumu ho cohmi to hiaemoza, mohcu eno aupopoha’o
i’vaho smoevovei ’o kuhku. ne ohsicu eʌsvʌta to hiaemoza ’a la no’so
meelʌ yu’e to cea ho totoefʌngʌ to feongo, ko’ko o’amo nʌs’ʌha, ahoi ho
mio, ’ana moso la ’aoko yoobai ’o hiaemoza ho kuhku. at’inghi, lasic’o
asnguca sia no ’tohungʌsi no kuhku, tena si la akoeva no auska ’aafofova no
ta’esi.

(文章大意 僅供參考) ※字數限 200 字

穿山甲與狐狸

以前，穿山甲跟狐狸就跟人一樣，因細故吵得很兇。他們路過草原，便說：「我們把草燒了，誰不被燒死，就是最厲害的。」當狐狸燒起芒草，穿山甲鑽到地底挖洞躲起來。燒完，穿山甲並沒有被燒死，驚訝的問：「怎沒被燒死？」穿山甲說：「因為我用草覆蓋身體。」狐狸心中暗付，有理。便堆起乾草躺上去。當穿山甲把乾草燒起來，狐狸鑽進草堆，穿山甲取水將火熄滅。狐狸已奄奄一息，穿山甲便說出沒被火燒死的原因。從此，兩個便不再爭吵。